



TOSHKENT DAVLAT YURIDIK UNIVERSITETI REKTORINING B U Y R U G ' I

22.12.2022

376-tm-son

Talabaga hayfsan e'lon qilish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonida zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash yuridik ta'lim va fanni yanada rivojlantirishning ustuvor yo'nalishlaridan biri etib belgilangan. Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramay ayrim talabalar tomonidan universitet Odob-axloq kodeksi talablarini buzish holatlari kuzatilmoqda.

Toshkent davlat yuridik universitetida 2022-2023 o'quv yilida bakalavriat bosqichi bitiruvchi kurs talabalari Bitiruv malakaviy ishini topic.tsul.uz platformasidan tanlab olishlari hamda ushbu tanlagan Bitiruv malakaviy ishini himoya qilishlari belgilangan.

Xususiyl huquq fakulteti 4-kurs talabasi Komiljonov Shohruh Umidjon o'g'li tomonidan topic.tsul.uz platformasiga Bitiruv malakaviy ishini tanlash jarayonida Fuqarolik huquqi kafedrasida faoliyati samaradorligiga salbiyl ta'sir ko'rsatuvchi noo'rin ma'lumotlarni joylashtirganligi aniqlandi.

Talaba Sh.Komiljonov Bitiruv malakaviy ishi mavzusini tanlash jarayonida topic.tsul.uz platformasiga "Blin oldin yozib kiritgan taklifimga hech qanday javob kelmadi, Jin ursin" deya o'z fikrlarini yozib qoldirgan.

Xususiyl huquq fakulteti dekanati a'zolari tomonidan talaba Sh.Komiljonovdan mazkur holat yuzasidan tushuntirish olinganida, u topic.tsul.uz platformasida "Fuqarolik huquqi" kafedrasiga Bitiruv malakaviy ishi mavzusi yuzasidan yangi mavzu uchun taklif kiritganligini, lekin javob kelmaganligini, shuningdek ushbu javob kelguniga qadar boshqa talabalar tomonidan yaxshi mavzular tanlab olinganligi tufayli qattiq hayajonlanganligi va ruhiyl tushkunlikka tushib qolganligi bois ushbu fikrlarini bildirganligini ta'kidladi.

Talaba Komiljonov Shohruh Umidjon o'g'li o'zining yuqoridagi xatti-harakatlari bilan Toshkent davlat yuridik universiteti Odob-axloq kodeksining 14-moddasi (Universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda hamda ijtimoiy tarmoqlardagi yozishmalarida o'zlarining namunali xulq-atvori bilan Universitet haqida yuksak ijobiy taassurot uyg'otish; Universitet, uning xodim, talaba va doktorantlari haqida haqiqatga to'g'ri kelmaydigan yoki noto'g'ri talqin qilingan, noto'g'ri talqin qilish uchun imkon beradigan ma'lumotlarni tarqatmaslik, bunday ma'lumotlar tarqalishiga yo'l qo'ymaslik, shuningdek, jamoat oldida va ijtimoiy tarmoqlarda bu mavzuda chiqishlar qilmaslik; xodim, talaba va doktorantlarning ta'lim jarayonidagi faoliyati va kasbiy harakatlarini asossiz tanqid qilmaslik, jamoat oldida chiqishlar, shuningdek, ommaviy axborot vositalari va turli xil ijtimoiy tarmoqlarda davlat hokimiyati va boshqaruvi organlari va Universitet faoliyati, uning xodimlari harakatlarini haqiqatga to'g'ri kelmaydigan, asossiz va aniq dalillarga asoslanmagan holda muhokama qilmaslik va ular haqida baho berib, fikr-mulohazalar bildirmaslik.), 16-moddasi (umumbashariy va milliy qadriyatlarga xos bo'lmagan yoki Universitet, uning xodimlari nufuziga putur yetkazadigan materiallarni Internet tarmog'i va boshqa ijtimoiy tarmoqlarga joylashtirish yoki ulardan turli nomuvofiq maqsadlarda foydalanish; Universitet faoliyati, uning xodimlari hamda talabalari sha'ni va qadr qimmati hamda ishchanlik obro'siga salbiy ta'sir qiluvchi haqiqatga to'g'ri kelmaydigan, asossiz va tekshirilgan dalillarga asoslanmagan turli xil ko'rinishdagi ma'lumot, fikr, mulohaza va munosabatlarni Internet, ijtimoiy tarmoqlar, shuningdek, boshqa ommaviy axborot manbalarida, tarqatuvchilarda, tashuvchilarda paydo bo'lishi), 26-moddasi (Universitet obro'- e'tibori va nufuziga dog' tushiradigan har qanday harakatlarni sodir etishdan o'zini tiyish)da belgilangan qoidalarni qo'pol ravishda buzgan.

Yuqoridagilarni inobatga olib, O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 36-bandi "g" kichik bandi, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 14, 16, 26 - moddalari hamda universitet Ichki tartib qoidalari (ichki mehnat tartibi qoidalari)ning 83-bandiga asosan,

BUYURAMAN:

1. Universitetning Xususiy huquq fakulteti 4-kurs talabasi Komiljonov Shohruh Umidjon o'g'li universitet Odob-axloq kodeksining 14-moddasining ikkinchi va uchinchi xatboshilari, 16-moddasining o'n birinchi va o'n uchinchi xatboshilari, 26-modda sakkizinchi xatboshisi talablarini buzganligi uchun hayfsan e'lon qilinsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova) mazkur buyruq mazmun-mohiyatini talabalar orasida kelgusida shu kabi holatlarning yuzaga kelmasligi, ularda universitet jamoasi, professor-o'qituvchilarning mehnatini hurmat qilish maqsadida har bir akademik guruhda keng muhokama qilinishini ta'minlasin.

3. Xususiy huquq fakulteti dekani (B.Musayev) mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



yuriskonsult

D.ALIBOYEV



Buyruq bilan tanishdim

B.MUSAYEV